

度

支

奏

議

度支奏議目錄

陝西司二卷

題覆甘肅巡撫開墾荒田扣抵年例疏

題覆陝西撫按請銀賑濟疏

清賦開列條款備陳畫一之規疏

題覆延撫旌敘助賑官員士民疏

虜警狎聞民運絕響申飭催科疏

題覆茶院梁天奇變價克餉疏

秦餉必不可缺蜀餉必須解秦疏

覆關中巡按吳御史條議災荒補救疏

覆御史顧其國條陳茶法疏

覆主事陳振豪酌議裁省抽扣事宜疏

覆甘固餉司奏報布花疏

初覆秦王請復常祿疏

覆秦藩差官雷希賢等真偽疏

再覆秦王請復常祿疏

度支奏議卷之二

太子少保戶部尚書淄青畢自嚴視草

題覆甘肅巡撫開墾荒田扣抵年例疏

題爲遵奉

聖諭詳查各邊增餉之故悉議諸務可行之實仰祈
聖明省覽責成以收實效事陝西清吏司案呈本年
四月初六日奉本部送戶科抄出甘肅巡撫梅
之煥會同巡按御史王大年題稱計部念經費
不支以屯田等七事始而責成繼復申飭總之

欽定四庫全書
卷一百一十五
扣抵年例省發

帑金爲主臣叨任封疆安危攸係何敢泄泄視之
除前節年額外墾荒徵完糧草已扣抵年例訖
又額外新墾荒地五十六頃有奇總計該年撥
括各項共抵過崇禎元年年例銀八千九百三
十兩有奇新墾屯賦俟起科尚多若法之必行
臣等固已着實遵守未敢少有怠緩等因本年
四月初一日奉

聖旨戶部知道欽此欽遵抄出到部送司案呈到部

爲照

國計空虛籌

國者每竭措處之方邊圉多故當事者共圖安攘
之要前任本部尚書李汝華條議兵食七事鑿
鑿可行節經移文邊臣遵行去後今甘撫梅之
煥慮切綢繆謀先借箸率屬奉行無敢怠緩開
懇荒地及多方撙括除節次

奏報外今共得銀八千九百三十兩有奇以抵崇
禎元年分年例至新墾屯賦俟起科尚多此誠

裕

國之計謨救時之極思也合無嗣後永著爲令要
見每年共得搭括銀若干開墾荒地起科銀若
干續墾荒地銀若干通計銀若干年終造冊報
部俱抵見年年例定爲歲額仍令各邊臣倣而
行之富國強兵端在此矣今該前因相應覆

請恭候

命下臣部移文各該衙門一體遵奉施行

崇禎二年閏四月十七日具

題本月二十日奉

聖旨是欽此

題覆陝西撫按請銀賑濟疏

題爲目前禦賊情形防之術已密剿之威已布而
剿之後必宜用撫秦中西北大饑民無生計不
敢不仰達

宸聽祈

皇上下賑急救民命以永奠秦關事陝西清吏司奏
呈崇禎二年五月十六日奉本部送戶科抄出
巡按陝西監察御史吳煥題前事內開流賊結
聚慶陽真寧間尚有六七千之多饑餓之民食

草填壑若不亟爲收卹懼皆化爲盜此非
大賑不可前蒙

皇上慨留雜項新餉一萬四千以徧濟秦中今延
慶陽平涼三府寒瘁不毛議將舊撫臣喬應甲
三萬六千有奇以此項權宜給賑計應用此
原係剝削秦民今卽散以拯救秦困併減免賦
稅招撫流亡議處懦吏周承恩等因五月初三
日奉

聖旨流賊結聚尚多着會兵剿戢務期平定延慶

涼等處留賑贖銀并議處各官卽與覆行該部知道欽此又奉本部送戶科抄出陝西巡撫劉廣生題爲慶延饑民結連流寇聚劫等事內開剿流賊撫饑民於邊餉三十萬之中乞分五萬以賑慶延饑民并議處同知周承恩等因閏四月二十七日奉

聖旨饑民結寇聚劫亟宜救靜所奏剿撫情形知道了遠餉撥賑着與議覆周承恩等處分依議行該部知道欽此又奉本部送戶科抄出陝西巡撫劉

廣生題爲恭繹

明綸俯循職任謹陳蠲賑減緩之議爲灾黎請命乞
賜恩允以保子遺以杜禍亂事內開見徵遼餉延慶
今年全蠲六府一州今年量減耀同三白宜五
州縣從此減半加派起存帶徵通省六七兩年
一槩盡免民運麥熟開徵覈倉穀禁火耗等因
五月初二日奉

聖旨秦地灾荒朕深切憫念聞今歲雨暘頗時麥收
有望這奏蠲賑減緩事宜可行的該部酌量議覆

今邊防財用交急臣子爲國爲民當通計休戚深思預備亦不得他無料理但請捐發覈倉穀禁火耗着嚴飭行該部知道欽此欽遵各抄出到部送司案查本年閏四月初一日奉本部送戶科抄出陝西總督楊鶴題爲三邊需餉甚殷京民二運並急

請各循職掌共濟時艱并陳解散流盜之法以安反側事議於原任撫臣胡廷宴助餉銀一萬四千

餘兩奉

旨留賑地方外再

請留遼餉銀一萬兩以賑濟饑民解散盜賊等因素
聖旨該鎮額餉軍士待哺民運拖欠分季查叅便如
議申飭京運以時措發盜賊未靖一應賑濟解散
着便宜宣布德意奏內擘畫具見苦心到鎮悉意
料理以稱委任該部知道欽此欽遵在案除剿撫
流賊聽督撫料理議處各官應行吏部處分其
議留遼餉賊銀一節相應具覆案呈到部該臣
等看得秦民災傷之慘與流賊劫掠之苦所在

啼饑資生無策撫按諸臣所爲目擊心恫條析
上陳者不啻洞癩乃身起白骨而肉之也業蒙

皇上大沛德音留胡廷宴搜解雜項助餉銀一萬四
千餘兩以賑恤全秦矣又

俯准行人馬懋才之疏緩徵秋收以寬延慶州縣矣
凡可以少甦民困者

皇上直視爲已饑已溺亦何愛乎錙銖而不思惠顧
灾黎也乃撫臣劉廣生欲於餉銀三十萬之中
分五萬以賑延慶平涼饑民更議蠲賑減緩四

欵以爲秦民請命而督臣楊鶴再請留遼餉
萬兩以解散賊黨救此延慶一方民按臣吳煥
復請舊撫狼籍賊銀三萬六千兩有奇給賑北
三府與被賊處所夫猶之賑民耳猶之爲民請
賑耳旣恐涸鮒之不克聊生而大聲以呼轉慮
杯水之無能勝火而多方以乞無非救焚拯溺
爲我

皇上固秦圉意至深也臣竊計之陝西三邊四鎮全
靠京民二運以爲生若分京運五萬兩以濟饑

又於民運中議蠲賑減緩以恤困萬一緩急莫
措呼庚呼癸之謂何非臣憂民之心獨後於撫
臣而邊兵不可一日乏食則邊儲不可一日不
備耳又議耀州等五處減免遺餉一半查遺餉
從無減免之例天下同然先是臺省條議有言
及者臣部議令本省自行哀益毋虧額數則猶
未減免也今雖地方磽瘠似難徑開此例查各
省原有災疲州縣係此五處者除同官宜君原
係上疲難以再議在耀州三水原係次疲應并

改上疲白水原係全徵今量改次疲起存錢糧
稍寬考成又如遼餉二萬兩督臣請用以賑濟
煌煌天語許以便宜宣布而他日則應內部舊餉抵
補該省年例作數者也至於賊銀三萬六千兩
按臣議以剝削秦民者還以拯濟秦饑至爲宜
捷省便已奉有延慶平涼等處留賑賊銀之
旨矣及查按臣另疏知人不易等事奉

旨下都察院該都察院不知臣部奉

旨徑行題覆又奉

旨喬應甲紅本處分已經奉旨贓銀着行該撫按
照數追解該衙門知道欽此是兩奉

明旨一留賑一追解不無異同所當申請畫一而後
奉行者也斟酌緩急權衡多寡如留餉銀則贓
銀三萬六千兩可以遵

旨解京而舊餉必須議還如留贓銀則餉銀二萬兩
仍歸新餉濟急而舊餉不須更補是在

皇上之獨裁爲秦省億萬蒼黔之計非臣部所能懸
斷矣伏讀

聖旨云邊防財用交急臣子爲國爲民當通計其休
戚夫曰通計者孰督於國計民生而交劑于上
下者也方今邊儲告匱豈得不加意樽節則用
新餉而補舊餉似不若兩存之爲便也況當厄
之施民易見德則餉銀取數二萬兩之少似不
若贓銀取數三萬六千之多也倘蒙

皇上以如天之堯仁沛爲沿邊之用資於以安民息
盜也何有若夫征截流賊剿撫兼行在督撫自
有區畫聞近日已奏成績其議處各官亦應行

吏部酌量處分又非臣部所敢越俎者矣統候
命下臣部移咨三邊總督陝西延寧甘固各巡撫并
咨吏部及都察院轉行陝西山西各巡按御史
一體遵照施行

崇禎二年六月十四日具

題本月十八日奉

聖旨秦地災荒雖屬可念第設兵衛民邊鎮軍餉缺
額前撫臣所請五萬還留作正餉用耀州等處改
疲依議行喬應甲贓銀着遵前旨作速追完備賑

其督臣請遼餉二萬不得更借該衙門知道欽此

清賦開列條款備陳畫一之規疏

題爲清賦屢厯

睿懷查覈期於無弊敬開列條款備陳畫一之規以
便省直遵守事陝西清吏司案呈案查崇禎二
年正月二十七日該本部題爲應

詔陳言再據救時實着事內覆給事中劉安行御史
毛羽健主事周夢尹各題議通造賦役全書緣
繇本部議請行文各省直撫按司府將原刻成
書刷印三部解進磨勘以防脫落差訛之弊在

各省藩司會其全在兩直府州會其全照
解惟是臣部從中遙度懸空裁節誠恐窒礙
行又當勒令各省直撫按俟此書解部後督
藩司道府將各州縣一切起運存留京邊遼
各項錢糧斟酌裁定務使確然畫一具實
奏報仍容臣部分省磨勘其應存應裁悉心
酌議
叅以撫按原奏集議

上聞然後定爲本部出納全書等因二月初一日奉
聖旨這賦役書冊如議卽移文勒限吊取該撫按

督率司府將各州縣徵解數目裁定具奏你部
心計司官分省磨勘叅酌原奏覈成全書務俾
納存解一覽瞭然官無耗蠹民無橫徵稱朕裕
綏黎至意內臺臣錯寫科臣改正行該衙門知
欽此本年四月初一日又該本部題爲奉
旨議造賦役全書謹用補牘以所

聖斷必行事內覆主事周夢尹御史劉士禎各題
賦役全書條款緣繇本部議請行文各省直撫
按將原刻賦役全書遵限解送仍復斟酌裁定

初五日奉

聖旨賦役全書着再移咨該撫按遵限速進仍將
盡一具奏不必差官欽此通行欽遵在案今查
省直送到賦役全書規制不一礙難彙編又
移咨各省直撫按速行裁定具奏去後本年
月二十三日又奉本部送該戶科抄出兵部
事周夢尹題爲賦役冊式旣呈顯官督造有

謹懇

勅發造以祈

上下永足事奉

聖旨賦役全書已有旨勒限取該部選心計司官
磨勘江西省已到着速具題選委覈奏順天八府
近在畿輔卽先取查酌定爲旨直倡務在詳核無
偏一清弊蠹其原賦與加派數目卽詳查具奏該
部知道欽此合通行具覆案呈到部該臣等看得
通者賦額日增民生日促我

皇上軫綏元元允臺省部臣之請

勅令催取賦役全書責成臣部嚴加查覈俾官無耗
蠹而民無橫徵蓋於卹民之中默寓裕

國之意誠法制之最善者也業已屢奉

明旨通行各省直催解去後臣日夜思維寓內之賦
役頭緒紛出不啻牛毛一邑之錢糧情弊萬端
猶如繭絲使開造者無畫一之法則查覈者無
從入之柄恐按圖索駿未有實據於

國計何益乎除各省直全書有未到者臣部覓在
查催外據已到者規制亦多參差且原奉

明旨令各撫按裁定具奏今尚無一至者誠恐款項
不一則私派私徵可虞查核未真則故輕故重
足慮若不姑俟裁定恐難從中懸斷若不明示
條款何以昭示畫一敬以酌定之法令外有所
遵而內有所憑者爲我

皇上陳之夫賦役全書肇自行條鞭法始距今已四
五十年矣查賦額初定錢糧數目自有定則惟
是地方因事加添司道每年增定吏書受賄任
意那移有同一州縣而此多彼少者其弊爲涸

派州縣奉行而不敢問司道偶增不過千百
十一而有司不肖者聽奸胥之暗灑瓜分如每
兩應加一分而卽加二分者其弊爲花派小民
遵行而不爲怪二者乃寓內通弊牢不可破者
也欲清其弊全在撫按先爲裁定今當亟爲申
飭其說有八一錢糧之規則宜明也省直錢糧
因地起糧因糧起科其間有上中下不同而則
次亦異如其地係某則應該糧米若干斗升該
科銀幾分幾釐須開載明白繇升而合斗繇分

釐而合錢上中下分別明白以則例定編派之
額以編派衡出入之數則錢糧之大槩了然矣
一總撤之確數宜核也省直錢糧名色雖不一
大約不外田賦均徭二項不離起解存留兩款
宜令各州縣不論賦徭不論起存共開一總次
將二項各開一總又於二項之下備開起存支
解撤數務期撤合州縣總州縣合府總府合省
總省合部總一分一合不爽分毫則飛灑增減
之弊絕矣一新舊之糧額宜晰也省直錢糧既

有則例當以萬曆初年賦額爲准從前錢糧每石納銀幾錢幾分後於某年因其事每石增銀幾分又於某年因其事又增銀幾分合舊額共增若干今果有裁減否逐一開明不得一槩開入撒數其有裁減如征播征倭等項亦須明開某年事停除豁訖勿濶原額之內至遼餉一款有因地畝起科者有因田糧起派者與舊額京邊錢糧原自各分此係新增不在全書之內今亦另開一項則新舊二項瞭然明白矣一起存

之瑣細宜備也夫解京有京運解邊有民運
屬起解一項臣部於崇禎元年會計冊內刊有
成數而存留一項在各省直地方支銷者頭緒
紛亂難以窮究須將存留錢糧先查全書原額
若干後因事加增者又幾項逐一開明其應加
裁汰并應改充餉者亟爲拈出聽臣部酌定議
改不容隱匿者也一雜項之開列宜詳也以新
舊言之雜項數款而抽扣工食雜支公費等項
括於其中以舊餉言之會議數款而司道公費

修理衙門等項括於其中又有冗官冗役先
撫按題

准裁汰仍畱以充餉者并今見存仍可以量裁者凡
隸某項卽於某項開載原額若干今裁減充新
舊二餉若干分別明晰較若列眉俾與存留數
內總數相符可也一驛站之增派宜減也驛站
銀兩在原刻書內者自有定額年來因驛遞苦
累多有額外加增而他處之協濟不與焉目今
功令新頒郵傳廓清出數旣少而入數猶多是病

民也今後務照原額派徵凡額外私增者俱應註明裁去以蘇民困於萬一也一民屯之出納一宜清也凡各省直賦役書內多不載民屯銀是以豪右得以肆侵吞衛弁得以恣乾沒據萊州衛指揮楚邦禎具奏已有左驗繇萊衛而推之東省繇東省而推之天下無處不有合令省直將原徵民屯銀兩并支銷款項存剩數目另項造入簡明冊內以憑彙編無容遺漏者也一裁定之冊式宜簡也各省直送到全書有詳有略

有宜於昔而不宜於今者皆當兩確務定然後
定未妥臣部當再駁之如將賦役全書通行
寫未免耽費時日合令省直撫按裁定賦役如
全書詳備者止於本項下貼一浮簽明註某項
因何應刪改增減某項應節省解部用印鈐蓋
以憑酌議如全書未備另造一簡明冊以便彙
編近者限三月遠者限五月送部要以寧速毋
遲爲便計耳八議旣備而裁定之事思過半矣
此外合通省計之地方有肥瘠通寓內計之風

上有南北中間均一款項爲此所有而彼遂
者務令詳造不許掛一漏萬此在撫按司道
能酌定而非臣部所能預擬者也大都此一
也今日大政急務小民大利攸繫外而撫按
互相參酌內而臣部之上下講求卽令需以
日廣其耳目猶恐有未悉之隱太慮有難
弊萬不敢苟且了事以負我

皇上責成至意未可以一差官分道搜取而卽完此
局也若欲隨地駁查尤恐各該司官位卑權輕

而未必有濟也。臣待罪外吏有年矣。巡行
以司理之風行雷厲。每到地方卽百分精明。
不過稍稍搜剔而以平易者當之。徒潤吏胥之
私橐已耳。司官之威權萬不侔於司理而隨從
吏書相倚爲奸。騷擾多事更有不可言者。臣部
司屬未必盡饒心計。難得多官而借才於別署。
又不便爲臂指之運。臣身在局中不得不熟思
遠慮而不謂執成心而操已見者反介介於
言也。臣以衰病昏眊之餘。原無足比數而臣

同官抱籌

國熱腸者尚亦有人亦豈盡贖贖乎今江西陝西
廣東全書已解臣部北直惟有順永二府未到
南直惟有常州寧太未到容臣等一面開局分
委司官磨勘另疏

上聞一面勒令撫按查照條款據實

奏報臣部再加敷造仍從北直八府肇端托始以
副

聖明崇重畿輔之意伏候

命下臣部轉行撫按一體奉行務令法畫一而弊

清庶書成而永爲不刊軍

國民生利賴無窮矣小民幸甚臣部幸甚

崇禎二年七月初一日具

題本月初五日奉

聖旨這開列條款卽行該省直撫按遵照裁定作速
具奏但司官不經坐題恐更相推諉還遵前旨選
題精敏三四員隨到隨覈不許陞遷奉差給假稽
覈事竣敘錄優轉該衙門知道欽此

題覆延撫旌叙助賑官員士民疏

題爲歲荒薦饑軍民交困微臣義勸助賑銀糧粥
廠拯濟時艱謹將應旌應贖官員士庶列則恭
報懇乞

勅部酌叙議覆以廣

皇仁以宏激勸事陝西清吏司案呈崇禎二年五月
二十三日奉本部送戶科抄出延綏巡撫岳和
聲會同巡按御史吳煥題前事內開延鎮餉匱
軍饑年荒民困置立平糴廣行勸糴勸借拯救

軍民於隆冬寒餒之日復行搜借倉糧設處煮
炭開廠煮粥會行鎮道諸餉臣各捐俸廩以爲
官民之倡嗣據文武各官鄉紳士庶陸續捐助
銀米并據勘問未結指揮等官孟應徵等願納
銀米賑濟贖罪湊給饑軍全活饑民所有各道
屬文武各官鄉宦義民輸助數目并武官贖罪
開列申請內除各鄉官所樂輸義民所借助及
捐數不多者徑行旌獎外如輸銀三百五十兩
不等都司等官王國標等延長縣義民樊養德

宜川縣義民董智宋克健俱應准給冠帶榮身
輸糧三十石銀三十兩以上見任神木同知盧
友竹靖邊同知商良弼安定縣知縣符治朝宜
川縣知縣成材米脂縣知縣晏子賓延綏加從
四品服俸城堡同知劉之望管糧同知趙鶴年
各有捐輸俱應紀錄需用安定縣訓導馮霖雨
併應紀錄清澗縣聽選經歷賀文蔚延長縣義
民董洪福宜川縣義民張振英米脂縣儒官姬
祚昌雒川縣儒官李五典李養高吏賀養元馮

見奎義民楊明道段王光景清雅鎮靖堡商民
郭有德張萬金任爵俱應給扁示勸榆林道右
叅政白貽清神木道按察司加陞一級廖起燦
靖邊道右叅議葉震生延寧糧儲戶部郎中鍾
希顏雖任有淺深助有多寡量叙宜同也等因
崇禎二年五月十三日奉

聖旨據奏見救荒實政這助賑官民叙旌贖罪該部
卽與行欽此欽遵抄出到部送司具覆間又奉
本部送准吏部咨同前事內開捐助軍餉係戶

部事務應聽該部查覈分別題叙等因到部送
司查得疏內武官輪助旌叙并勘問未結叅將
等官孟應徵等折糧贖罪應聽兵部具覆外其
文官義民相應本部具覆案呈到部該臣等看
得天災流行何處無之所賴觀變措處使災不
爲厲而民不致填溝壑者該地方官之責也延
鎮窮邊沙漠兼以亢陽日久一望赤地野無青
草民有餓殍斯時斯際議蠲免則京邊之正供
不可缺請賑濟則

內帑之空虛無可措幸撫臣目擊心恫殫智竭慮
刻諭義冊平糶勸令輸助等項多方設處首捐
俸薪平糶銀三百兩以爲之倡而一時鎮道餉
臣以及縣儒鄉紳并商民各皆慕義樂輸或粟
米或銀兩積以千計隨地方之遠近立粥廠之
多寡自崇禎元年十二月十五日起至本年三
月十五日止不費公帑絲毫拯救垂斃百姓使
窮邊不致丘墟而疆圉猶有捍衛者皆其力也
今經題議分別旌叙前來相應依議覆

請恭候

命下臣部移咨延綏巡撫及咨吏部并都察院轉行
陝西巡按御史將輸助義民獎養德董智宋克
健准給冠帶榮身同知盧友竹商良弼知縣符
治朝成材晏子賓延綏同知劉之望管糧同知
趙鶴年俱與紀錄需用訓導馮霖用併應紀錄
聽選經歷賀文蔚義民董洪福張振英儒官姬
祚昌李五典李養高吏賀養元馮見奎義民楊
明道段王光景清雅商民郭有德張萬金任爵

俱給扁額示勸道臣自貽清夢起嶽葉震生
臣鍾希顏捐助俱殫厥心卹災均應錄叙至撫
臣岳和聲心切痼瘼身爲首倡廣行拯濟之策
救此予遺之民窮邊待命功績尤多雖經暫准
回籍所當亟行擢用者也

崇禎二年七月初六日具

題本月初九日奉

聖旨是欽此

虜警狎聞民運絕響申飭催科疏

題爲三秦虜警狎聞民運徵解絕響懇祈

天語申飭催科以資接濟以拯危急事陝西清吏司
案呈崇禎二年六月十七日奉本部送戶科抄
出總督陝西三邊兼理糧餉都察院右都御史
兼兵部右侍郎楊鶴題爲關中盜賊粗平人心
已定三邊缺餉至極強虜可虞伏乞

聖明垂念封疆亟卹時艱以消邊釁事等因奉

聖旨秦寇稍平餘孽還須勦戢揔套虜情相機防禦

各鎮通與申飭額餉京運除充留遠餉外餘著
續措發民運還行嚴催不得槩聽逋欠該部知道
欽此又該甘肅巡撫都察院右僉都御史梅之
煥題爲甘鎮奇窮已極饑軍安靜堪憐謹據實
直陳乞

恩發餉事等因奉

聖旨據奏甘軍向義殊可軫念欠餉速與措發流虞
斬級并著量給犒賞示勸該部知道欽此又該寧
夏巡撫都察院右副都御史耿好仁題爲邊事

廢弛已極及時整頓難緩謹摘緊要數款仰祈
聖鑒嚴勅舉行以奠危疆事等因奉

聖旨這奏該鎮修防理餉練兵清屯及住牧驛站事
宜耿好仁卽著從實幹辦該叅奏的立行叅奏不
得但作條陳說過仍歸廢閣巡按御史差滿日還
將該撫本內行過事件覈實奏聞京運按期給發
該衙門知道欽此又該延綏候代巡撫都察院右
副都御史岳和聲題爲官軍血戰奇功額賞拮
處無措仰祈

聖明勅部查發補還以振士氣以揚

天威事等因奉

聖旨戶兵二部查議具覆又該延綏新任巡撫都察院右副都御史張夢鯨奏爲交代恭謝

天恩事等因奉

聖旨知道了該鎮虜江備弛張夢鯨用心振飭額餉京運措發還嚴催民運該部知道欽此又該本官題爲籌邊之勝算宜周禦虜之先資貴豫謹陳懇上情形仰祈

聖鑒以鞏巖疆以矢忠悃事奉

聖旨該鎮揔虜情形各異總要嚴修內備控馭得
張夢鯨著用心料理各圖實濟措餉已有旨了該
部知道欽此俱送到司該本司查得陝西各邊月
餉延綏鎮春夏二季該年例銀二十萬五千八
百一十九兩九錢三分五釐已經扣發過銀
十三萬題

知訖近於七月二十二日又發銀二萬兩寧夏鎮奉
夏二季該年例銀六萬四千一百三兩三錢九

分五釐已經扣發過銀八萬五千兩題

知訖甘肅鎮春夏二季該銀九萬三千六百六十二兩

兩七錢六分已經扣發過銀九萬九千五百

兩題

知訖固原鎮并下馬關春夏二季該年例銀九萬

千九十八兩四錢四分三釐已經扣發過銀

十五萬二千六百七十八兩一錢二分題

知訖是則扣發京運之數有其過之無不及焉秦

三邊四鎮所不敷者惟民運耳

聖旨屢頒蓋已見及此矣擬合題覆督催等因奉
到部該臣等看得秦塞綿亘三千餘里與虜
處入犯無時卽一二酋長亦旣就我縹緲而
於此復掠於彼甲方效順乙輒行竊犬羊之性
治以不治其從來久矣所恃

皇靈赫濯督撫維新師武臣力率此飽騰之衆磨礪
以須不能必其不來但來卽有以制其死命耳
秦地去歲奇荒今幸二麥就熟新穀已登腹裏
所在有秋然而塞下迢遞搬運崎嶇聞此時十

米尚二錢有餘臣部措發京運較之往歲
及額第一月餉銀不能買二斗米沙磧荒
夫大半仍是啼饑兼之榆谿新提處有
耽思逞賀蘭之毳帳尚未移徙插酋之
環張掖而南畿與海虜匪連矣三秦督臣與
寧甘肅撫臣往往大聲疾呼樞臣每接邊報
移咨於臣部不勝攢眉臣共在漏舟中敢不
索敝賦以從惟是邊軍之引領倚命者在內
年例京運在外則本折民運京運係臣部職

臣部發過春夏二季額餉筋力罄竭已具疏入
告矣民運係該省轉輸可聽其拖負而不急爲勒催
乎今春伏蒙

皇上軫念秦中饑軍

勅下臣部採鄉紳臺省之議扣留該省新餉二十萬
抵充延寧固三鎮軍餉夫亦謂其同室相救情
切纓冠無轉輸之勞有待哺之便也迄今藉口
災荒聞多全未起解是何供遠則急而供邊則
緩也則查叅之實嚴稍變而人情之勤隋隨分

也查客歲秦中災荒惟延慶爲甚延慶三
惟安塞安定等十餘州縣爲甚臣部前覆行
馬懋才疏已曾分別言之稍爲十餘州縣姑
緩徵以俟秋成而其餘則否若西安等處尤
稱膏腴者麥秋之後已成樂土奈何猶諱言
科而驕語撫字也屢奉

明旨京運陸續按期措發又曰民運還行嚴催不得
槩聽逋欠煌煌

天語固已洞若觀火矣目今京運催發臣部無敢

遑惟是秦中素無京邊止有民運加派二項三
倍京運今此一項槩行停閣不徵不解徒令執
爰荷戈之士枵腹阻饑盡仰給於京運其將能
乎否乎臣非不知關中流寇初定物力尚未充
滿方求噢咻忍云催比有如狡虜萬一闖入軍
士相與呼庚較之流寇其禍更慘且時當秋成
轉輸倍易正以衛民非以厲民耳孰無廬舍蓄
積其靳此惟正而以齎盜糧也必不然矣懇乞

皇上勅令陝西撫按督率該布政司糧儲道轉行該

府州縣將上年逋負并本年見徵民運及兌解
加派銀項勒限督催速爲接濟查果上年災傷
地方亦將本年見徵先行解完其餘分別帶徵
文到之日將民運已未完文冊細開倉口年分
總數數目速報臣部以便酌議處分如有漫不
急公及那移侵用者容臣部將經徵各官指名
叅處庶一飽可望而三邊安堵矣臣可任懇願
待

命之至

崇禎二年八月初二日具

題本月初七日奉

聖旨覽奏知西鎮京餉扣發逾額該省民運三倍京
運且二麥收成何得一聽逋欠便着該撫按督率
司道行催各州縣將元二年見徵民運本折及兌
留加派償解各鎮接濟災地見徵完解餘准帶徵
仍將民運已未完數冊報該部以憑議處還立限
與他欽此

題覆茶院梁天奇變價充餉疏

題爲茶商被刦苦情新茶旣少舊茶易馬急用變價充餉勢難坐額伏乞

聖明垂鑒以無悞軍需事陝西清吏司案呈崇禎二年七月十二日奉本部送戶部抄出巡按陝西監察御史梁天奇題前事內開先將洮岷西寧二司陳茶變價三萬二千六百八十一兩一錢二分以抵甘固二鎮軍需隨該戶部覆

准以後著爲定例每年抵充軍餉奉

目前來今查漢南涇富三耀一帶茶商盡被流寇掠家財蕩掃以致茶道不通茶運不至今見在茶篋除二次變價並易馬賞番等項止可以備明歲易馬之用所餘無幾且每歲官旣鬻茶充餉專利則商茶難售誰肯領引有此難行而以三萬二千餘兩每年著爲額餉則京運扣留不發異日無茶變價倘邊軍缺餉鼓譟臣又不得不言以後京運乞照舊解發其各司茶篋但隨時果有贏餘聽茶臣變價充餉不必懸坐定額

等因崇禎二年七月初八日奉

聖旨該部看議具覆欽此欽遵抄出到部送司呈
具覆案呈到部查得先該巡茶臺臣梁天奇兩
疏搜括餘茶變價充餉共計十萬七千餘兩出
陳陳之積濟桓桓之旅裕

國籌邊無踰此者業該臣部酌議以後疏三萬二
千六百八十餘兩著爲定額每歲扣抵甘固二
鎮年例銀兩良以茶司碁布此嗇彼豐通融曲
措以資接濟是亦茶臣不費之惠也已經覆奉

欽依通行欽遵去後今茶臣以今歲流賊爲梗
茶運不通誠恐異日商人阻鬻茶之路官茶有
難繼之虞議欲隨時通變不必題坐定額誠長
慮却顧之深心也夫兵餉繫封疆命脉而茶馬
關軍

國機宜雖不妨於挹彼注茲亦豈可以膠柱鼓瑟
若當茶運艱難之日撫番易馬尚苦不贍而欲
移之充餉則迂矣如當茶庫充溢之時紅腐相
仍儲於無用而欲靳其充餉則又忍矣總之邊

臣既以搜括之苦心飽極塞之枵腹而仍慮以創起之規例貽後人以掣肘其意殊深其情甚厚臣部又何敢堅執成說而拘泥額數爲也惟是三軍待哺

五位宵旰異日持斧巡方之臣誰無急公憂

國之念此後茶或缺欠斷不必取盈於額中茶果贏餘亦政不必止儉於額內臣部惟視茶臣

奏報之多寡以爲扣抵年例之盈縮務期商與軍兩利公與私兼得則臣部與茶臣所爲同心共

濟者吳恭候

命下臣部移咨都察院轉行巡茶御史一體欽遵施行

崇禎二年八月二十四日具

題本月二十七日奉

聖旨是欽此

秦餉必不可缺蜀餉必須解秦疏

題爲秦餉必不可缺蜀餉必須解秦敬陳改留如
未并議議經久之法以復

舊制以固邊疆事陝西清吏司會同邊餉山西清吏
司案呈竊照秦地沿邊退隣虜寇嚴關巨鎮設
置重兵總爲

國家捍衛藩屏計也在民運則該省錢糧盡留充
餉在京運則太倉拮据按季措發計口授食毫
不容缺本部猶慮京運稽遲或不敷用查得秦

蜀壤地相隣轉運甚便將四川額設解京錢糧
十萬四百三十五兩二錢每年改解陝西延寧
甘固四鎮軍餉內分延綏鎮四萬兩寧夏鎮一
萬二千五百兩甘肅鎮二萬兩固原鎮二萬七
千九百三十五兩二錢在蜀省運解之勞在秦
得接濟之易此該省正供原非額外協濟者也
浸假而蜀省視爲協濟則拖欠矣浸假而視拖
欠爲故常累至數十萬矣該撫徒以文移相催
一而考成不嚴是以呼者大聲應者嘿嘿終無益

於緩急之數案查天啓五年五月內該陝西巡撫宋盤題爲川餉議留秦邊大困等事奉

聖旨戶部知道欽此該本部尚書李宗延題覆內稱自萬曆四十二年起至天啓元年止節欠延鎮銀十三萬七千兩寧鎮銀三萬八千兩井鎮銀六萬兩固鎮銀十七萬八千四十六兩四錢共積欠至四十餘萬至天啓二年臣部以蜀省有變措餉爲艱議留免解矣天啓三年以南臺臣之疏又留矣天啓四年以蜀撫之疏又留矣在

再三年共積欠秦邊額銀三十萬有奇軍士枵腹待哺宜撫臣欲復京運之

舊制爲經久可行之便計也今幸而蜀事蕩平目今秦中缺餉已久此項銀兩今年暫令改解陝西以充軍餉又自六年爲始四川之應解京者歸之解京臣部之應發秦者照舊發秦庶蜀之催科完欠臣得以按籍而稽查照例叅罰秦之緩急有無臣亦得持籌而計按季給發等因奉

聖旨是欽此及查天啓五年題扣陝西協濟竟未起

解天啓六年又覆貴州巡撫王城疏充黔餉七年亦然崇禎二年二月內又該本部題爲黔事不可再悞黔餉不容再虛等事議將四川改解陝西四鎮銀十萬四百三十五兩二錢因黔有大勦之舉自崇禎元年爲始分割此項每年解黔事平之日還歸本部解秦者歸秦永爲定規倘徵解失額輕易動支者本部得以法繩之等因題奉

聖旨這覈奏黔餉一百餘萬俱係實數往日安酋未

變黔省豈無一兵一糧若分別新舊將原額資守
禦增設備進勦條緒分明何虞匱乏乃動必取盈
二百萬頃兵待餉轉盼虛擲詎屬良圖督臣朱燮
元到日着畫定規程從新整頓不得因仍舊習至
永寧故地國家費多少財力入我版圖豈是不毛
況土著人稀耕闢尤易着孫學詩悉心料理屯種
奏報抵餉歲入漸充先將陝西協濟銀扣還蜀撫
亦不得爭執該衙門知道欽此今查黔事平定在
卽如照前疏則四川之應解京者歸之解京本

部之應發秦者照舊發秦矣後奉

明旨又有先將陝西協濟銀扣還蜀撫亦不得爭執
是卽所云黔平之日解秦者歸秦永爲定規也
伏候裁奪題

請等因案呈到部該臣等看得蜀省京邊銀兩每年
止有十萬四百三十五兩二錢先年以道里遼
遠轉輓維艱故令就近解秦以補秦餉京運年
例之數非尋常協濟可同日語也孰意改解之
後蜀省視爲緩圖自萬曆四十二年至天啓元

年拖欠至四十萬是蜀非但欠秦餉而實欠臣部京邊也非但蜀實負秦卽臣部亦且負秦也迨於天啓二三四四年則以蜀省有警而議留矣五年則題改解秦而未解矣六年七年則議改充黔餉而仍多逋負矣崇禎元年仍經題

在餉黔今亦未知曾解至否而倏又屆二年矣前項拖欠那借之銀俱應於京邊年例補還夫以秦塞大荒之後豈能枵腹以禦驕虜加以太倉如洗之餘豈能代蜀以償正供比者安奢逆賊授

首黔氛將已蕩滌則曩之餉秦者仍宜歸秦歸之此其時矣請自崇禎二年爲始將蜀京邊銀項仍遵

舊制改解秦中四鎮以補秦餉原額作爲太倉之數京運年例照數扣除彼此極便永爲定規且蜀中年來所以逗遛不解者不過藉口軍興耳然成都之圍城久解重慶之割據已平僅僅遵義永寧二處用兵幾何則軍興亦非昔比也蜀無金花亦無南糧其加派新餉二十四萬四千六

百餘兩。儘留爲該省兵餉之用。而雜項新餉。又絕無起解者。卽令黔難未平。亦只當於蜀省加派內照數撥補。而不當再留京邊以困秦者也。明旨所謂未變之先。豈無一兵一糧。雖無黔發。亦若爲蜀發者。又云歲入漸充。先將陝西協濟扣還。蜀撫亦不得爭執。

聖明蓋已明見萬里之外矣。前蜀撫尹同臯交代疏。稱有銀七十三萬六千八百餘兩。近日蜀撫田仰交代疏。稱前連撫銀除支銷外。有銀八十三

萬九千七百餘兩夫非從天降而地出也不過
京邊舊餉及加派雜項新餉所積儲耳蜀固沃
野千里所稱天府之國也今新舊二餉在在搜
括而蜀中獨若無聞者

國家曾不得其纖毫之用徒令先後撫臣始旣專
之以爲利繼復侈之以爲名亦大失其平矣然
則歸京邊以還秦撥新餉以助黔誠不再計而
決者也惟是秦餉催解一節尚有當酌議者往
年以該撫咨文往來相催視爲平等置之高閣

以故任意拖延今若不爲立法繩以

功令恐亦終無完期茲議蜀省每年春秋兩運分
解秦中四鎮當起解時撫按會疏具題不得分
毫短少有拖欠者許令秦撫奏聞

皇上卽以稽緩之罪罪撫按則人情震懾而餉在必
完矣今歲春秋俱已踰期務令年終通完一體
具奏其餘新餉除照數解黔外除聽蜀用仍候
解平之後另議起解臣部熟察天下財賦大勢
而知偏榮偏枯之弊有不容不亟爲調停均節

者所謂移緩以就急損有餘而補不足也允恭
茲則

舊制漸復邊儲漸充矣恭候

命下臣部移咨各該督撫并飭各該餉司及咨都察
院轉行各巡按御史申飭司府州縣永爲遵奉
施行

崇禎二年十月初八日具

題本月十一日奉

聖旨川省積貯足佐軍興額設解京銀一萬餘兩照

舊解秦年終通完撫按官會奏新餉解黔及該省
留用侯黔平另議該衙門知道欽此

覆關中巡按吳御史條議災荒補救疏

題爲微臣巡歷三秦北境識關中禍亂根源熟思
補救之策祈

皇上軫念飭行以固危邊以奠百二山河事陝西清
吏司案呈崇禎二年十一月初三日奉本部送
戶科抄出巡按陝西監察御史吳煥題前事內
開延安慶陽平涼三郡界在邊腹目土寒地瘠
官輕俗悍一任強凌弱衆暴寡魚肉力俎而莫
之禁戢觀其可憐之狀真如無母之子流離荒

野無可控訴及今再不料理使窮民散而盜賊
叢則腹心化爲毒蝎而邊鎮何所恃以自固門
戶盡爲賊窟省會何時得而安枕臣愚以爲欲
絕三秦之亂萌先從此地急爲下手條議八款
以陳等因十月二十七日奉

聖旨據奏延慶平三郡景狀殊可軫念安民輯盜奏
內八款允於補救有裨着各與覆行缺官速與銓
補勒限到任已補不到的吳煥便行查叅該部知
道欽此欽遵抄出到部送司查得疏內除選縣令

聽吏部掌行外所有分荒熟緩舊糧搜盜宿給
牛種寬疲邑平薦舉清宗祿相應摘款具覆等
因案呈到部該臣等看得全秦都會之肩背延
慶平三郡實全秦之要區也自流賊戕虐以來
民皆塗炭地屬荒涼災疲之後利用撫輯按臣
條議數款深得培元固本之意極切三郡肯綮
相應照款酌議覆

請恭候

命下臣部移文各該衙門一體遵奉施行

計開

一曰分荒熟以便徵輸臣等看得延慶平三郡值兵荒之餘居民逃竄阡陌荒蕪居民欲墾熟田先防荒累是以逃者未復復者畏怯今按臣吳煥條議責令廉吏履畝註明孰爲荒地孰爲熟地止據見在以徵輸而荒糧暫爲停止候有開成不妨陸續報納是誠招徠復業之良法也

一曰緩舊糧以完新稅臣等看得有土有糧

自天啓五年以前逋欠在民業奉

恩詔蠲免至六七兩年原有帶徵之例今按臣目擊
三郡之民死亡相繼其舊欠半屬逃亡之
家以甲追乙額逋旣不能清而新稅祇爲
積欠之償以前累後并正賦亦且難完欲
將數邑之民責之一意完新其六七兩年
舊糧不妨緩徵是亦甦民困以便徵輸法
也自宜允行惟崇禎元年尚在現徵之列
新餉民運所關俱重若非真正逃亡者恐

不宜一槩停緩耳

一曰接盜窟以拔禍本臣等看得盜賊生發必有所憑延慶南北皆有本地大窩及神木府谷地方又邊賊回賊盤據之所亂民饑民往往相倚爲難諭之不可招之不來此非大振兵威盡掃除以拔禍本不可但恐良奸難辨玉石俱焚不可不爲凜凜耳是在該撫按相機熟籌以一勦而收萬全可也

一曰給牛種以續民命臣等看得民不患不能耕患無耕之之具秦中自流賊煩興民逃土曠幸先該按臣吳煥題

請罪撫喬應甲贓銀三萬六千有奇賑濟延慶平三郡覆奉

欽依咨行欽遵在案今按臣議將此項銀兩行各州縣清查貧民戶口糴貯倉廩賑給牛種殊勝於漫然一擲積猾乘機冒領者斯誠恤窮民以預秋成一大良法也

一曰少寬疲邑考成以展吏才臣等看
成之法原視州縣正供爲殿最三郡
上疲次疲久經題定從來舊糧逋負頗多
若以見任一官責之遠近並徵無論鞭長
不能及腹卽民貧亦不堪命今按臣議欲
寬舊糧之罰而止考新糧之成是亦一時
變通之法也但新糧之考成動歷數年查
叅無期而舊糧又復脫然無累則有司難
復任怨催科者不若通將舊糧合併查

而速行元二兩年之考成則有司或加意於徵輸而邊餉亦可資以宿飽矣

一曰平薦舉以飭吏治臣等看得全陝州縣印官鄉貢多而科甲少凡有薦舉多爲甲科占定彼旣絕意於薦剝因而灰心於撫字今應如臺臣議務略資格而課治行凡州縣正官有政績超越者毋論孝廉明經撫按薦揚必先及之斯誠今日振飭吏治之要務也

一曰清宗祿以救民困臣等看得

天潢赤子均當顧念平涼

宗室繁衍每以宗祿而允宗糧或祿少而允多或
無糧而挽允民受其殃而邊虧其餉合如
按臣議行令道府州縣盡數清查某宗應
食祿若干應派定某州縣某宗應納某州
縣糧若干以應食之祿配應納之糧糧浮
於祿則本宗找辦官糧祿浮於糧則有司
找還宗祿如是則宗祿饒而民不困矣

崇禎三年正月二十六日具

題本月二十九日奉

聖旨是欽此

覆御史顧其國條陳茶法疏

題爲微臣

陛辭在邇敬循職掌謬陳一得以清茶法以肅政體
事陝西清吏司案呈崇禎三年四月二十日奉
本部送戶科抄出廣東道監察御史顧其國題
前事等因崇禎三年四月十九日奉

聖旨茶法制番貿易最宜嚴密邇來私販公行正茶
低雜種種商弊取侮妨課巡方官正宜極力清刷
監收必須擇人該部卽與酌行欽此欽遵抄出到

庫
部送司案呈到部看得

國家設立茶法招商販運中茶於邊還貿馬以實
邊是於綢繆邊釁之中寓聯絡夷情之意法至
吾也仍以直指之臣巡行彈壓制至密也乃法
止弊生傲地之轉運維艱利孔微而商人既多
暴足私販之濫觴日甚市貨賸而沓衆復易離
心加之官習關茸弊不爲之清查馬來款段邊
亦因而虛耗取侮妨課誠有如

聖諭所云者御史顧其國身蒞局中心營塞上條爲

五事纒纒中要相應照款酌議覆

請恭候

命下臣部移咨都察院轉行陝西茶馬御史及陝西甘肅各巡撫并吏部一體遵奉施行

計開

一報中之始宜端臣等看得茶之運販在商
商人有奸頑有良實全在舉報之得法今
茶臣議於招商時令該管衙門着地方官
從公選舉必取有身家行止者方許互保

舉充至於完銷如期茶貨精好者不妨加
意賞勸則招商不患不實也

一買茶之始宜嚴臣等看得茶之雜以僞也
皆緣商人於產茶地方通同園戶叅以樹
葉僞草利其賤收厚價及至紫陽縣發店
蒸曬而店戶或貪其居停之稅或得其通
同之賄互相容隱必如茶臣議先期禁園
戶之夾雜入店禁店戶之容隱仍着紫陽
縣逐一抽驗倘有低假發覺及被人首告

者并以三尺從事則買茶不患不真也

一私茶之禁宜嚴臣等看得茶之壅滯以私茶之盛行也蓋自官茶濫惡私茶愈易得利卽設有偵役緝獲一二私茶旋且受賄賣放是多一私茶不過爲捕役多一奇貨宜令茶法道嚴行把關頭目及巡捕官役凡有假妝私販者盡擒解究庶私茶歛跡而官茶可得疏通也

一分茶之法宜均臣等看得茶引旣到官商

各分其半官貯庫以易馬商則領去自賣此舊例也然必高低兼搭黑黃配分近有奸商暗用號記賄通抽分官吏將低茶報收入官高茶商自領去官茶濫惡職此之繇茶臣有激而言謂務令堆積一處隨手抽搭不許以先後作弊窟以東西爲號記否則官吏皆以受賄叅究斯真剔蠹澄源之法也

一換茶之弊宜革臣等看得官茶起運虞其

途換收貯虞其庫換誠爲積習如茶臣議
起運則用火印烙記其地方商人姓名編
成字號并印監收官職名于篋上使沿途
驛卒車夫不敢抵換至運茶積庫着令屯
兵廳專管鎖鑰與司官互爲稽覈庫吏不
得陰行貿易如有那移好茶出庫者官與
吏並究如是則官茶皆成有用蕃族望而
歸心徠北可至三千而營伍可壯于城矣
至於監收官易粟監而探科月是在銓部

爲政非臣部所敢越俎也統候

聖裁

崇禎三年四月二十九日具

題五月初七日奉

聖旨茶法旣經酌議着行巡茶御史及各該巡撫一體飭行監收但湏擇人何必拘定科目吏部還與具覆欽此

覆主事陳振豪酌議裁省抽扣事宜疏

題爲賦役經

國裕民全書世法世守纂修耳目未周不敢草率
懸揣輕塵

御覽事陝西清吏司案呈奉本部送戶科抄出本部
山東清吏司主事陳振豪奏前事內開臣奉委
纂修福建賦役全書終不敢輕率

進呈以買用妄之罪且憑一成之書以磨勘民有
利而不能爲之與民有害而不能爲之去於纂

修之義何居是臣之所大懼也況各省全
之不應卽應亦草草數行總無畫一之規誠
身到地方延訪卽可將無幽不燭無隱不彰
卽官不必另差而巡按御史職專觀風聞俗
於督理尤便并祈

皇上以抽扣所入者解部充餉其裁省一項盡數還
民免派等因崇禎三年五月二十四日奉

聖旨纂修賦役全書湏經制周詳便民裕國應否行
各省定式查造併所議裁省抽扣事宜着該部與

督理科道官酌妥具奏早勒成書欽此欽遵抄出
到部送司案呈到部該臣等會同督理科道前
世蓋劉士禎集於公署面相商訂看得賦役
書原據臺省條陳臣部仰體

皇上憂

國深心惠民

德意欲綜海內錢穀出入之數勘定畫一頒布成書
用杜侵漁以垂不朽且常賦冗雜間有樽節減
損其間亦可以供目前軍興之需不煩加賦而

賄

國用又一時權宜之計也十五省直地方有衝
疲饒之異事有大小煩簡之殊非一官一職所
能周知亦非一耳一目所能料理故臣議委
屬十數員以任之借同官左右侍郎分局以董
之又倚重風力臺省二臣督理而彈壓之上關
軍

國下切民瘼頭緒綦繁綜覈綦艱誠未易旦夕
成事者去歲原題按季

奏報無何逆奴犯順道路阻梗各省裁定書冊未能應手而至近始解到福建廣西山東山西北直等處責令司官分任纂修似亦略有頭緒臣細閱之猶尚未裏畫一未敢仰塵

廣覽而臣部司官陳振豪隨有委巡按就地方纂修之議該司心計精明料理有日夫豈無端而倦勤或亦有激而興感但在各省裁定未至之先行之則可今查各省全書陸續解到孰一非各地方撫按司道與各府州縣延訪印可裁之成

帙以聽臣部之覆覈者乎臣部一面督率曹屬
著實纂修其未到者督理科道再一催促便可
集事似不必再令就近纂修又增一番勞擾者
也若夫裁省抽扣事宜臣前清賦屢歷

睿懷疏內已具言之卽督理二臣定賦實以裕

國疏內亦復娓娓言之且又刻定規則頒布中外
矣茲欲臣等酌妥具奏則請逐項分款一一拈
出以免局中之射覆以謝局外之築舍可乎此
普原擬私增私派當盡查出蠲免於民此弊有

司未必盡無但旣裁定之後此弊概已刪削泯其跡矣惟奉文續增錢糧或有司所不諱而全書所開載者悉照原議免編可耳裁省銀兩有冗員冗役冗費此各省直撫按布政司舊爲軍興而議者也或云入孔宜節當以還民然此非自今日始賦之民間者奴氛孔棘普天同讐方議加派搜括而此項獨不可佐軍

國之急耶所宜纂入解部充餉者也優免丁地據各州縣冊報爲數殊夥而扣解銀兩未及十之

一二不識贏餘歸宿何處且優免充餉屢奉

明旨所當另行清查扣解者也至於抽扣裁省款項

多端除工食如鋪兵儒學門斗看司禁子等役

公費如文廟祭祀鄉飲科舉歲考及總兵叅遊

衙門等銀或事屬典禮或人關守禦得免裁扣

外他如撫按司道各衙役頗謹關防而需供億

則工食宜抽十分之二府縣各衙役或恣出入

而供差遣則工食宜抽十分之三凡七兩二錢

以上者皆然如六兩者量扣一兩五兩以下者

免扣蓋先是抽扣止及府縣以下各役而其他
未及則在今日爲創行也又布按巡守及提學
海糧等道公費雜款宜裁十分之二府縣公費
雜款及雇覓答應上司夫馬下程等銀宜裁十
分之三撫按公費等銀每年有解部助餉舊例
宜聽自捐不必議裁惟司道及府州縣正官馬
夫銀所宜全裁府佐馬夫銀量行半裁司府首
領州縣佐二等官祿薄免裁一切定爲畫一之
法庶不得偏肥偏瘠其間至於驛遞銀兩已經

奉

旨十裁其六應候兵部兵科酌議纂入分別免編
解臣部不敢越俎其各省直造到全書所載
扣諸款有適符前項分數者卽著爲令不煩更
張或有不及前項分數者卽照部議以裁捐之
或有過於前項分數者通融劑量不妨量存
各省直有原留爲本地兵餉等費者查有確據
姑仍其舊每州縣後分別先今裁省抽扣各款
干務求清楚此皆臣等與督理科道二臣酌量

於輕重緩急之間竊見足

國原以衛民而急公非以厲下但期奴氛遙靖邊
疆蚤復則此抽扣者仍還充在官之餽而此
省者便可免編嘉與海內蘇息裕

國便民無善此者諸曹屬誠得此意而變通行之
自可免於異議卽不然亦聽之知我罪我者而
又何必畏首畏尾以預爲趨避之端也抑臣猶
有說焉纂修各官原題一年爲限而督理科道
亦各定有差規近見日月荏苒書未脫藁臣等

與科道二臣憂心如焚大懼纂修曹局未竟

臣等以爲纂修曹局未竟

臣等以爲纂修曹局未竟

臣等以爲纂修曹局未竟

逸惡勞始勤終怠致來溺職鰥官之誚再乞

臣等以爲纂修曹局未竟

天語叮嚀責令各官加意繕修勤敏趨事卯而入終

臣等以爲纂修曹局未竟

申而以非有真正差委不許偃蹇私寓削跡公

臣等以爲纂修曹局未竟

堂至一年限滿後書成數省卽與優叙照例若

臣等以爲纂修曹局未竟

轉而仍前悠忽者容臣等以白簡繩其後決不

臣等以爲纂修曹局未竟

敢徇情面以誤公事也至各省全書有遲延未

臣等以爲纂修曹局未竟

到者有駁出條款登荅混淆者仍令督理科道

臣等以爲纂修曹局未竟

二臣於一年更代之時據實叅劾用示創儆庶

臣等以爲纂修曹局未竟

早義一代典章而仰紆

聖明宵旰矣

崇禎三年六月初九日具

題本月十二日奉

聖旨這裁定工食馬夫公費等項應否俱可通行着
行詳定載入全書欽此

覆甘固餉司奏報布花疏

題爲遵

旨查明具奏事陝西清吏司案呈崇禎三年八月
三日奉本部送戶科抄出總理甘固糧儲員外
郎郭應響奏爲賞賜天啓四年軍士冬衣布花
事內稱卷查本年六月十八日奉本部劄付該
年布花照依京衛事例俱限本年七月以裏將
各衛所堡該關冬衣布花行令各查明造冊差
人齎赴各該庫分照數開支冊還貯聽候唱名

給散類造文冊

奏繳等因題奉

欽依脩創前來已該前任郎中裴鉉脩行臨鞏洪

二道各將所轄管衛該年實在軍士應賞布

轉行蘭州廣積倉照數放給分委臨鞏二府

知謝萬鍾等會官唱名給散去後今准二道

送賞過并扣除逃故不到軍士花名銀數到

擬合類冊

奏繳等因本年七月三十日奉

聖旨這天啓四年冬衣布花如何至今始行給領
繳該部還查明來說欽此欽遵抄出到部送司
查天啓四年應賞該鎮軍士布花銀兩業經本
部於本年四月二十日題奉

欽依移文各該撫按及餉司給散去後在案今脩查
餉司原

奏開稱卷查本年六月十八日奉本部劄付已
前任郎中裴鉉脩行各道給散所稱本年實
天啓四年而郎中裴鉉政天啓四年理餉之事

斯時給散原未逾期祇緣歷年以來天
給散者以崇禎元年報天啓三年給散者以
禎二年報相沿已久習爲套數遂致四年之
賞至今始行

奏繳也既塵

明問呈乞申飭無呈到部該臣等看得冬衣布花
朝廷挾纊弘恩必給散如期斯三軍霜惠今甘
司郭應響

奏報賞過天啓四年軍士布花銀數查係前任

中裴鉉任內經管是時給散原無愆期而

奏報未免遲緩也既蒙

明旨詰問臣實不敢代爲之諱惟是因循積習相沿
已久雖不自本官始而改絃易轍實有不容更
待者矣相應據實題覆恭候

命下申飭各該餉司嗣後

奏報賞過軍士冬衣布花銀兩務要脩開給散月
日勒限本年終

奏繳倘有散賞逾期

奏報遲延者容臣部查明叅處從重罰治未爲遲
守施行

崇禎三年八月初九日具

題本月十二日奉

聖旨邊鎮給散錢糧全憑文冊奏報年月稽查這甘
鎮給放布花如何每遲數年方行奏繳該部向不
綜稽及承詰問猶云相沿已久恬不爲怪安望夙
弊釐剔以後還着加意振刷不得玩徇欽此

初覆秦王請復常祿疏

題爲恭逢

盛時比例陳情懇乞

特恩賜復常祿以資養贍事陝西清吏司案呈崇禎二年二月初六日奉本部送戶科抄出

秦王誼漉奏稱伏自

太皇帝定鼎中原分封親王屏藩四方額

賜祿米一萬石是我

皇祖撫養宗枝盛典

列聖相承以至今日然

晉周楚魯蜀慶襄德崇鄭荆吉衡榮一十四藩俱
歲祿本色一萬石而臣均一

太祖高皇帝之血胤也且叨列首藩名雖額祿一萬
石而本色五千石折色五千石較之諸藩迥異
矣又臣祖秦宣王懷塔於嘉靖四十四年間奏
辭常祿一千石蓋一時之權也彼時臣祖宮眷
不多隨常經用聊可支持自臣錫封以後生齒
浩繁家口衆多兼之臣男五人雖爲親王之子

名祿差於散宗一切婚嫁出居建府等費皆資
藉於臣祿又且節年荒歉解祿欠多一應朝
賀進

貢等禮及歲時祭享等項宮室傾頽服食等用每若
不敷度日艱難臣查得萬曆二十五年間
魯府以養贍不敷奏

請賜給原辭常祿二千石萬曆二十六間
榮府以養贍不敷奏

請賜給原辭祿米一千石萬曆三十年間

吉府以養贍不敷奏

請賜給原辭常祿一千石萬曆三十三年間

蜀府以養贍不敷奏

請賜給原辭常祿一千石萬曆三十九年間

益府以養贍不敷奏

請賜給原辭常祿二千石

皇祖天高地厚俱蒙

俞允復給欽遵在案臣之事體實與相同伏望

皇上俯念親親擴

天地再造之恩矜臣所懇將臣應支祿米比照
魯榮等府一視同仁乞

勅戶部照例題覆准復原辭常祿一千石仍移支
西巡撫衙門轉行布政司照依臣始祖愍王額
祿支給上不仰藉於官帑下不加賦於黎庶庶
臣度用稍充艱苦可免等因崇禎二年二月
一日奉

聖旨戶部知道欽此欽遵抄出到部送司查得
大明會典款開

秦王歲支祿米一萬石

本色五千石

石及查嘉靖四十四年該

秦王懷德奏辭本色祿米一千石止支本色

石折色五千石今

秦藩以養贍不敷比例奏討原辭常祿查得

二十五年十一月內

魯王壽鎔請復原辭額祿二千石該本部題

神宗皇帝聖旨王旣以養贍不敷請給奏辭原

給與後不爲例欽此二十六年十月內又該

榮王翊鈐請復原辭額祿一千石該本部題奉
神宗皇帝聖旨王旣以養贍不敷准照魯王例給去
後不爲例欽此三十年四月內又該

吉王翊鑾請復原辭額祿一千石該本部題奉

神宗皇帝聖旨王旣以養贍不給求復原辭祿石准
給與後不爲例欽此三十三年四月內又該

蜀王宣圻奏復原辭額祿一千石該本部題奉

神宗皇帝聖旨王旣以養贍不敷求復原辭祿米准
給與後不爲例寫書與王欽此三十九年二月內

又該

益王常遷奏復原辭額祿二千石該本部題奉
神宗皇帝聖旨王旣以養贍不敷求復原辭祿米准
給與後不爲例欽此四十六年五月內又該

荆王由樊請復原辭額祿五百石該本部題奉

神宗皇帝聖旨王旣以養贍不敷求復原辭祿米准
給與仍不爲例欽此欽遵在案已經呈堂蒙批禮

部有 宗藩宴例條例等書必有一定規制仍

移咨行查去後隨准禮部回稱本部職掌名對

而祿米則屬之戶部秦王辭祿一千石諸王
開載而條例要例並未開載無據回覆應
部裁酌徑題等因到部送司案呈到部看得
秦王諱漣先世初封

欽賜常祿一萬石至嘉靖四十四年奏辭一千石
牒可覆按也今乃以宮眷繁衍養贍不敷援
各藩准給之例請復原辭故祿言念昔辭今
雖非額外之多求惟是祿匱宗繁尚虞供億
難繼況查先年

會第古蜀益荆等府請復原祿俱奉

明旨准其給與而仍云後不爲例

慮深矣臣等自當仰遵恪守今

秦藩固屬

皇上之懿親而詔祿實係

朝家之鉅典應否照例准復

恩典出自

上裁又非臣等所敢擅擬者也伏乞

聖明裁酌

勅下臣部遵奉施行

崇禎三年八月十二日具

題本月十五日奉

聖旨奏辭祿米自是前主體國忠忱今王以養贍不
敷請復原額誼應給與但所比晉周等府奉

皇祖屢旨後不爲例秦藩兼以進封是否典例允協
還着會同禮部詳查確議具奏欽此

覆秦藩差官雷希賢等直僞疏

題爲 宗藩隱佔全衛屯田不軌大弊懇乞

聖明亟

勅清查以釐積蠹以裕軍儲事陝西清吏司案呈

禎三年八月二十七日奉本部送戶科抄出

按直隸監察御史袁弘勲題前事等因奉

聖旨該省西安屯田衛司各有庫冊秦藩有無侵

一覈自明這所奏着行該撫按查確來說還

與他董元芳解發彼處聽質雷希賢等查是

請封祿人役另行奏奪該部知道欽此欽遵
到部送司查得疏內

秦藩隱佔屯田一項業經奉有

明旨立限撫按查奏相應移文該省撫按定以
月內確查回

奏并將董元芳解發彼處撫按聽質外及查

賢等是否差請封祿人役脩查本年五月內

奏王誼漣差典儀雷起蛟賁本管解助餉銀

兩業於五月十四日完納出給實收訖又

本奏

請永壽等王府輔國將軍誼泯等全祿業該本部於
七月初三日具題出給勘合訖又典儀葉聯芳
該

秦王誼泯差令賁本奏

請壽等王府輔國將軍輔燦等全祿業該本部

四月二十九日具題出給勘合訖又據葉聯芳

稟稱芳於本年七月內奉

秦王差賁恭謝

欽實奏本業於七月十一日

進呈

御覽等情隨索該府長史司批廻查驗無異但查

按御史袁弘勲原疏內典儀雷希賢葉繼賜

奉差典儀雷起蛟葉聯芳職銜與姓則同而

各異隨經移文該院行查去後八月二十九

准該院手本回稱查得董元芳先告狀內開

各犯姓名雷希賢雷汝賢蘇矮子葉繼賜

張成李進等卽批發南城兵馬指揮司拘拿

據申解文內註稱雷起蛟卽希賢葉聯芳卽繼
暘雷安卽雷三雷亨係安子葉強係聯芳家屬
彼時面詰原告當堂供吐無異等因回覆到司
查得在官雷起蛟卽所告雷希賢葉聯芳卽所
告葉繼暘雷安雷亨葉強俱係僮僕脩查各犯
所執夫馬勘合與本部原案果係奉差至京呈
乞覆奏案呈到部除隱佔屯田一項合將董元
芳解發該省撫按衙門聽質立限三個月確查

回

奏外看得雷起蛟葉聯芳等賣本助餉

請祿謝

賢奉差各有實據覆核原無詐冒既經該司查呈前來相應按實回

奏伏乞

聖明裁酌

勅下臣部遵守施行

崇禎三年九月初四日具

題本月初八日奉

聖旨知道了雷希賢等既係齋奏人役聽其事竣
復不必拘解有失朝廷優禮親藩之體該部知道

欽此

再覆秦王請復常祿疏

題爲恭逢

盛時比例陳情懇乞

特恩賜復常祿以資養贍事崇禎三年八月十六日

該戶科抄出戶部尚書臣畢自嚴題覆

秦王誼惠比照

魯王等藩事例奏復原辭常祿一千石等因本年

八月十四日奉

聖旨奏辭祿米自是前王體國忠忱今王以養贍不

敷請復原額誼應給與但所比晉周等府會奉
皇祖屢旨後不爲例秦藩兼係進封是否典例凡
還着會同禮部詳查確議具奏欽此欽遵抄出到
部隨經移咨禮部會查去後本月十三日准該
部回稱查得諸王表開載

秦王誼漉初封奉國中尉加封紫陽王於萬曆十
五年六月內進封

親王歲祿一萬石厥祖懷壻於嘉靖四十四年開
辭祿一千石今以養贍不敷

請復原辭祿米據庫冊開列

秦藩援比

魯榮吉等六府除

榮府不係進封外

魯吉蜀益荆五府俱係進封

蜀益在例前

魯吉荆在例後

秦藩係例後進封與

魯吉荆三府同今

請復厥祖原辭祿米一千石援有各府舊例但各府
請復原祿雖俱蒙

皇祖准給俱有後不爲例之

旨今

秦藩可否准給在戶部酌妥會題等因到部該臣
等通看得

國朝天潢蕃衍桐封錫祿各有差等而

親王定爲一萬石蓋豐其祿所以贍其用實

列祖相承親親之典也迨至

世廟各藩迭爲奏減常祿節已裕

國此又

賢王一時之雅念後

魯榮吉蜀益荆六府各以養贍不敷原辭祿米俱

相繼奏復在案今

秦藩遂援以爲

請脩查

魯吉等五藩俱屬進封與

秦藩之例雖符但

皇祖原給時已有後不爲例之

旨況今

國家多事誼屬

宗藩方各有捐輸之舉而

請復取盈之例又似難遽從也

明旨所謂是否典例允協蓋已有灼見矣惟是事關

親藩且

恩典出自

朝廷要非臣等所敢擅擬也恭候

皇上裁定

勅下臣部遵奉施行

崇禎三年九月二十八日具

題十月初三日奉

聖旨該藩請復解祿朕薦念親親豈靳給與據奏典
例未協時訕取盈難以勉從該部轉行啓知欽此